

周氏醫學鼓書



評註史載之方序

是書久無傳本近吳興陸氏刻之十萬卷樓叢書中其
隨證論脈條分縷析獨闢新思啟發後學功在脈經脈
訣之上方藥多用麻黃羌活三棱莪朮發汗利血之品
者蜀地溼盛氣滯血痺也又多用狗脊巴戟寄生萆薢
強筋健力之品保正化邪厥旨幽妙其文詞古奧拙齋
初讀頗苦扞格僭加評註於大義無所發明庶幾詞顯
意白易於觀覽云爾皖南建德周學海書

傳

吳興陸心源撰

史堪字載之蜀人

書錄題解

治病用藥初不求異泡炙製度

自依本法審證精切不過三四服立愈

載之方跋

眉州人彭

師古年三十時得異疾不能食聞葷腥氣輒嘔惟用一

鎗旋煮湯沃澹飯數匙食之食已鼻中必滴血一點懨

懨疲削醫莫能愈乃趨郡謁堪堪曰君之疾在素問經

中其名曰食掛凡人肺六葉舒張如蓋下覆於脾則子

母氣和飲食甘美一或有戾則肺不能舒脾爲之蔽故

不嗜食素問曰肺葉焦熱名曰食掛蓋食不下脾瘀而

成疾耳遂製藥服之三日覺肉香啖之無所苦自此嗜

食宿恙頓除

宋稗類鈔

蔡元長苦大腸秘醫不能通堪診脈

已曰請求二十錢元長曰何爲曰欲市紫苑耳末紫苑以進須臾遂通元長大驚問其說曰大腸肺之傳送今之秘無他以肺氣濁耳紫苑清肺氣此所以通也

北窗炙輠

錄著有指南方二卷凡分三十二門門各有論

解題

陸氏曰史堪里貫無考據書錄解題知爲蜀人而已蜀有史崧見蜀中廣記亦以醫名其卽堪之一家歟余旣刻其書因摭諸書而爲之傳

素問無食掛有食痺亦不繫於肺葉焦熱記事者不能知醫率意下筆多類此

評註史載之方目錄

卷上

傳

序

四時正脈

五藏眞脈

六氣之勝生病

六氣之復生病

大府泄

大府祕

小府祕

身熱

身寒

頭痛

腹痛

脹滿

喘

腳痛

脈要精微解

傷寒論

診失血

診失精

診癰疽

診汗脈

診噎隔

診黃疸

診室女婦人諸脈

半產正產論

明熹脈

診胃脈

卷下

爲醫總論

涎論

治涎諸方

痢論

治痢諸方

治疫毒痢方論

雜療諸方

評註史載之方卷上

皖南建德後學周學海評註

四時正脈

春

春脈弦。其氣來軟弱。輕虛而滑。端直以長。故名曰弦。反此者病。其氣來實而強。此爲太過。病在外。其氣來不實而微。此爲不及。病在中。太過則令人善忘。忽忽冒眩。巔疾。不及則令人胃痛引背下。兩脇脹滿。善忘王冰云當作善怒

夏

夏脈鉤。其氣來盛去衰。反此者病。其氣來盛去亦盛。此爲太過。病在外。其氣來不盛去反盛。此爲不及。病在中。

言部重冬 冬 冬
太過則令人身熱而膚痛。爲浸淫。古所謂侵淫瘡。卽今所謂丹疹也。不
及則令人煩心。上見欬唾。下爲氣泄。

秋

秋脈浮。其氣來輕虛以浮。來急去散。故曰浮。反此者病。
其氣來毛而中央堅。兩旁虛。此謂太過。病在外。其氣來
毛而微。此謂不及。病在中。太過則令人逆氣而背痛。慍
慍然。不及則令人喘。呼吸少氣而欬。上氣見血。下聞病
音。

冬

冬脈營。其氣來沈而搏。故曰營。反此者病。其氣來如彈
石者。此謂太過。病在外。其去如數者。此謂不及。病在中。

太過則令人解。脬脊脈痛。而少氣不欲言。不及則令人心懸如飢。眇中清。脊中痛。少腹滿。小便變。

中

脾無善脈。止見惡脈。蓋脾脈以和緩爲主。故四時之脈雖不同。春脈弦。夏脈鉤。秋脈毛。冬脈營。皆要有脾脈。若脾脈不見。便是五藏眞脈見。眞脈見者死。所以脾無善脈者。謂其常脈便是吉脈。其太過不及。皆爲病脈。太過則令人四肢不舉。其來如水之流者。太過也。溼勝則然耳。溼勝氣壅。其來甚遲。自尺上趨於寸。不及則令人九無甚起伏。漉漉然如水之順流而下。不及則令人事竅不通。名曰重強。其來如鳥之啄者。不及也。土不用事則然耳。如鳥之啄。爲代脈。氣不續也。陽敗胃冷之故。亦作鳥喙。是短而搏。土敗不能載木。升氣陷積中。

言言事之卷一
焦而然。真心脈亦同。溼勝而其脈如流。邪乃傷腎。土不
此皆眞陽之將熄也。用事而九竅不利。因受木所制。木制則脾受水矣。九竅
不利。故多生浮腫脹滿之疾。久而成水。

眞脈

眞肝脈至。中外急。如循刀刃。責責然。如按琴瑟絃。色青
白不澤。毛折乃死。

眞心脈至。堅而搏。如循薏苡累累然。色赤黑不澤。毛折
乃死。

眞肺脈至。大而虛。如以毛羽中人膚。色白赤不澤。毛折
乃死。

眞腎脈至。搏而絕。如以指彈石辟辟然。色黑黃不澤。毛

折乃死。

眞脾脈至。弱而乍數。乍疎。色黃青不澤。毛折乃死。

厥陰所勝生病

運氣所勝

飧泄。食減。體重。煩冤。腸鳴。腹支滿。甚則忽忽善怒。眩冒。顛疾。脇痛而吐甚。衝陽絕者不治。

司天所勝

體重。肌肉萎。食減。口爽。目轉。耳鳴。胃脘當心而痛。飲食不下。舌本強。食則嘔。飧泄。腹脹。溏泄。痾水閉。

在泉所勝

灑淅寒如癩。善伸數欠。心痛支滿。兩脇裏急。飲食不下。

隔咽不通。食則嘔。腹脹善噫。得後與氣則快然如衰。身體皆重。

少陰所勝生病

運勝

瘡。少氣。欬喘。血溢泄注下。噎燥。耳聾。中熱。肩背熱。

天勝

喘。嘔。寒熱。嚏。鼽。衄。鼻塞。甚則瘡瘍。脇痛。善太息。胃中煩。熱。噎。乾。右肘滿。皮膚痛。寒熱。欬喘。唾血。鼽。衄。溺色變。瘡。瘍。肘腫。肩背臂臑及缺盆痛。

地勝

腹中常鳴。氣上衝胃。喘不能久立。寒熱。皮膚痛。齒痛。頰

腫惡寒發熱如瘧少腹中痛腹大。

太陰所勝生病

運勝

腹痛清厥意不樂體重煩冤肌肉萎足萎不收行善瘈。
腳下痛飲發中滿食減四支不舉腹滿溏泄腹鳴反下。
甚而太谿絕者不治。

天勝

胃中不利陰萎氣大衰而不起不用當其時反腰脰痛。
動轉不便心下否滿少腹痛時害於食肘腫骨痛陰痺。
陰痺者按之不得腰脊頭項痛時眩大便難陰氣不用。
飢不欲食咳唾則有血心如懸。

陰氣與
陰器通

地勝

飲積心痛耳聾。渾渾惇惇。噎腫喉痺。陰病血見。少腹痛。腫不得小便。病衝頭痛。目似脫。項似拔。腰似折。髀不可以回。臆如結。臍如別。

回脈經作曲

陽明所勝生病

運勝

兩脇下少腹痛。目赤痛。眥瘍。耳無所聞。體重煩冤。胷痛引背。兩脇滿。且痛引少腹。甚則喘咳逆氣。肩背痛。尻陰股膝髀踠胫足皆痛。

天勝

脇痛。目赤。掉振鼓慄。筋痿不能久立。小便變。寒熱如瘧。

甚則心痛。左脇脇痛。寒清於中。感而瘡。欬。腹中鳴。注泄。驚澹。心脇暴痛。不可反側。噎乾。面塵。腰痛。丈夫癰疽。婦人少腹痛。目昧。眚瘍。瘡。瘰癧。

地勝

病喜嘔。嘔有苦。太息。心脇痛。不能反側。甚則噎乾。面塵。身無膏澤。足外反熱。

太陽所勝生病

運勝

身熱煩。心躁悸。陰厥。上下中寒。譫妄。心痛。甚則腹大脰腫。喘欬。寢汗出。憎風。

天勝

心熱煩。噎乾。善嘔。喜悲。數欠。熱氣妄行。善忘。甚則心痛。嘔血。泄。嘔。善悲。時眩仆。腹滿。手熱。肘攣。腋腫。心澹澹大動。胃脇胃脘不安。面赤。目黃。善噫。噎乾。甚則色。焇。渴而飲。

地勝

少腹控。引腰脊。上衝心痛。血見。噎痛。頷腫。

少陽所勝生病

天勝

欬。嚏。鼻衄。鼻窒。瘍。寒熱。肘腫。心痛。胃脘痛。厥逆。咽。鬲不通。熱上。皮膚痛。色變黃赤。傳而爲水。身面肘腫。腹滿。仰息。泄注。赤白。瘡瘍。唾血。煩心。胃中熱。甚則嘔。

地勝

注泄赤白。少腹痛。溺赤。甚則血便。少陰同候。

六氣復而生病

厥陰之復

少腹堅滿。裏急暴痛。心痛。汗發。嘔吐。飲食不入。入而復出。筋骨掉眩。清厥甚。則入脾。食痺而吐。

少陰之復

燠熱內作。煩躁。鼽嚏。少腹絞痛。火見燔炳。噤燥。分注時止。氣動於左。上行於右。欬。皮膚痛。暴瘡。心痛。鬱冒。不知人。迺灑淅惡寒。振慄。譫妄。寒已而熱。渴而欲飲。少氣。骨痿。膈腸不便。外爲浮腫。噦噫。瘡瘍癰瘰。甚則入肺。欬而